

DECLARATION

DE LA VOLONTE' DV
Roy, sur le depart de la Royne sa
tres-honoree Dame & mere, du
Chasteau de Blois, & de ce qui s'est
ensuyui en consequence d'iceluy.

Publiée en Parlement le vingtiesme

Inin 1619.

23 piece



A PARIS,

Par FED. MOREL, & P. METTAYER,
Imprimeurs ordinaires du Roy.

1619.

Avec Privilege de sa Majesté.

DECLARATION

DE LA VOLENTÉ DU

Roy sur le dessein de la Royale

Académie de Médecine & de


Chirurgie de Paris & de ce qui en

est résulté de ses délibérations.

Parlé au Parlement le vingt

trois Mars 1720.

En l'année 1720.



A PARIS,

Par F. D. MOREL, & P. MATHIAS,

Imprimeurs ordinaires du Roy.

1720.

chez l'Imprimeur de l'Académie.



OVIS par la
 grace de Dieu
 Roy de France
 & de Nauarre,
 A tous ceux qui
 ces presentes lettres verront,
 Salut: Dés lors que nous fuf-
 mes aduertis que la Roync
 nostre tres-honoree Dame &
 mere, s'estoit retiree de no-
 stre Chasteau de Blois, Nous
 nous en sentismes d'autāt plus
 esmeus, que nous sçauions ne
 luy auoir donné aucun sujet
 de ce faire, n'ayans iamais eu

A ij

autre intention que de l'honorer, aimer & cherir, comme nous y sommes obligez, tant par le droit de nature que par les signalez tesmoignages que elle nous a rendus de son bon naturel & affection à l'aduan- tage de nostre Estat; & n'euf- mes point de contentement en nous mesmes, que nous ne fussions esclarcis des raisons qui l'auoient peu mouuoir d'estre sortie en la façõ qu'elle fit de ladite ville, & que nous ne luy eussions fait cognoistre ce qui est de nos bonnes & sin- ceres intentions, & de nostre

cordiale affection en son endroit. Pour cet effect, nous depeschasmes vers elle le sieur de Bethune Conseiller en nostre Conseil d'Estat, Capitaine de cent hommes d'armes de nos ordonnances, apres lequel nous enuoyasmes encores nostre tres-cher cousin le Cardinal de la Rochefoucault: Par lesquels, & par les lettres que nous receusmes d'elle, nous aprismes qu'elle s'estoit resoluë à ceste sortie, pour les ombrages & desfiances que lon luy auoit donnees, & que neantmoins elle ne s'estoit ia-

mais de partie du respect, honneur & affection enuers nous, à quoy elle recognoissoit estre obligee, dōt elle nous suplioit de prendre asseurance, & d'interposer ce qui est de nostre autorité pour faire cesser tous les mouuemens & alterations que son esloignemēt pouuoit apporter au bien & au repos de ce Royaume, nous tesmoignant auoir tres-agreable les asseurances que nous luy faisons donner de nostre bienvueillance, & de la volonté que nous auions, qu'elle peust demeurer, aller, venir & se-

iourner en toute liberté & seureré en telles de nos Mais-
sons ou des siennes, & en telles
villes & lieux de ce Royaume
que bon luy semblera, sans
nulle exception, mesmes au-
pres de nostre personne: dont
elle nous faisoit cognoistre, re-
cevoir tout contentement, &
y auoir toute confiance. Ce
qu'ayant receu en tres-bonne
part, & n'ayant rien tant à
cœur que de paruenir à l'af-
fermissement d'une entiere &
cordiale amitié, & affection
entre nous, & à restablir vne
bonne paix & vn assésuré re-

pos en nostre Royaume :

Pour ces causes, apres auoir mis cet affaire en deliberation avec les Princes, Ducs, Pairs, Officiers de nostre Couronne, & principaux de nostre Conseil : De l'aduis d'iceux, & de nostre certaine science, pleine puissance & autorité Royale, Auons dit & déclaré, disons & declaron par ces presentes, voulons & nous plaist, que toutes leues arremés de gens de guerre qui se sont faites depuis le partement de nostredite Dame & mere dudit lieu de Blois, & à l'occasion d'iceluy, cessent,

cessent, & que toutes les trou-
 pes tant de cheual que de pied,
 nouuellement mises sur pieds,
 soit en vertu de nos Commis-
 sions ou autrement, soient in-
 continent licentiees, conge-
 diees & separees: que toutes
 choses soiēt remises, tant dans
 les villes qu'en la campagne
 au mesme estat qu'elles estoient
 auparauant. Et par ce que
 nous sommes bien informez
 que ceux qui sur le sujet du
 partemēt de la Royne nostre-
 dite Dame & mere, & depuis
 iceluy l'ont suiui & assistée, &
 ont pris adresse vers elle sur ces

occurrēces, l'ont fait estimant
que pour la qualité qu'elle a
d'estre nostre mere, nous l'au-
rions bien agreable, & sans
auoir eu aucune intention de
nous desseruir : Nous auons
bien volontiers sur la priere
& instance qui nous en a esté
faite de sa part, accordé & or-
donné que de tout ce qui a
esté par eux de quelque quali-
té & condition qu'ils soient,
faict par l'ordre, commande-
ment & adueu de nostredite
Dame & mere, en quelque
sorte qu'il se soit passé auant &
depuis ledit partement, & à

l'occasion d'iceluy, encores
 que ce fust contre nos Edicts
 & Ordonnances, ny ores n'y
 à l'aduenir il ne leur en puisse
 estre imputé aucune chose, ny
 qu'ils en puissent estre inquie-
 tez ny recherchez: sur quoy
 nous imposons silence à nos
 Procureurs Generaux & à
 tous autres, ains voulōs qu'ils
 soient restablis, maintenus &
 conseruez en leurs Gouver-
 nemens, charges, dignitez, of-
 fices & benefices qu'ils posse-
 dent, avec le mesme honneur,
 autorité & liberté qu'ils fai-
 soient auparauant le part-

ment de nostredite Dame & mere de ladite ville de Blois : & mesmes que ceux qui auroient esté esloignez auant & depuis ledit partement de la Royne nostredite Dame & mere , pour ce sujet puissent iouir des mesmes libertez & franchises par tout nostre Royaume, qu'ils auoient auparavant. Voulons & entendons au surplus, que tous nos sujets viuent ensemble en amitié, paix, vnion & concorde, & ainsi qu'ils faisoient auparavant l'esloignement de nostredite Dame & mere.

Si donnons en mandement à nos amez & feaux Conseillers, les gens tenans nos Cours de Parlement, Baillifs, Seneschaux, Juges ou leurs Lieutenans, & tous autres nos Justiciers & Officiers qu'il apartiendra chacun endroit soy, que ces presentes ils fassent lire, publier & enregistrer par tous les lieux & endroits de leur ressort, icelles garder, entretenir & observer selon leur forme & teneur, & du cōtenu faire iouir tous ceux qu'il apartiendra : cessans & faisant cesser tous troubles & empeschemens au contraire: Car tel est nostre plaisir. En

tesmoin dequoy, Nous auons
 faict mettre nostre seal à cesdi-
 tes presentes. Donné à S. Ger-
 main en Laye, le deuxiesme
 iour de May l'an de grace, mil
 six cens dix-neuf. Et de nostre
 regne le neufiesme.

Signé,

LOVIS.

Et sur le reply, Par le Roy,
 estant en son Conseil,

PHILIPPEAUX.


Et seellé sur double queüe du grand
 seau de circ iaune.

Et sur ledit reply, est encores escrit,

*Leuës, publiees & registrees, ouy, & ce
requerant le Procureur general du Roy, &
ordonne que copies collationees seront enuoyees
aux Bailliages, Seneschauſſees & autres
Sieges de ce reſſort, pour y eſtre leuës, publiees,
registrees & executees à la diligence des Sub-
ſtituts du Procureur general du Roy: auxquels
enioinct certifier la Cour auoir ce faiet au
mois. A Paris en Parlement le vingtiesme
Iuin, l'an mil ſix cens dix-neuf.*

Signé,

VOYSIN.





RARE BOOK ROOM



THE UNIVERSITY OF
NORTH CAROLINA
LIBRARY

DC123.3
D41

